





Opuscula

MONS

Visionis Æternæ

in

MONTE KONJUSZA

PERILLVSTRI olim CLARISSIMO

&

AD MODVM REVERENDO DOMINO,

D.M.STANISLAO

KUTLINOWSKI,

Utriusque Juris DOCTORI, & PROFESSORI,
Ecclesiarum, Collegiatae SS. OO. Cracoviae AR-
CHIDIACONO, Konjuszensis PRÆPOSITO,
Contubernii Philosophorum PROVISORI, Iudi-
ciorum Consistorii Generalis Cracov: ASSESSORI,

Viro de Republica literaria Meritissimo,

post depulsam mortalitatis Ejus nubem

PRÆPARATUS,

dumq; Ejus mortales exuviae in Ecclesia Collegiata SS. OO. Cracoviae,
non sine gravi maerore ab Ordinibus Academicis tumularentur,

lugubri pennâ

Per

M.ANDREAM LIPIEWICZ, Philosophiae Do-
ctore, Matheseos Professore, Geometrae Iuratum,
ad perpetuam tanti Viri memoriam

DEMONSTRATUS.

Annô Domini MDCCXLVII. Die 6. Maii.

Perillustri Clarissimo & Admodum Reverendo Domino
D. M. ADALBERTO
MICINSKI

Utriusq; Juris DOCTORI & PROFESSORI,
Ecclesiarum, Collegiatæ SS. OO. Cracoviæ
CUSTODI, Parochialis in Luborzyca
PRÆPOSITO,

Ultimæ voluntatis ejus Executori,
Domino Mecænati & Protectori
meo Amplissimo.



*D magnitudinem doloris Tui & hic Mons Visionis
spectat. PERILLVSTRIS CLARISSIME DOMI-
NE, PROTECTOR AMPLISSIME. Mons hic
solo affectu turget, ipsâ amicitia supereminet, à Te
arvelli nequit, Cujus Cor Gigas occupavit dolor. A-
micum STANISLAI pectus parte sui meliore superstes,
profundius in animo Tui, quam in marmore sculpi
pratendit, ad quem post funera redit, à quo vivens recessit nunquam...
Vinculum hoc mutua voluntatis animus conjunctissimus posueras, cui sa-
tis erat fidiſſimo & integerrimo cordi Tuo se concedidisse totum, qui
candidissimum pectus Tuum, legum servandæ amicitia retinentissimum
roto vitæ suæ probavit tractu. Conserva eum quem intimius dilexisti in
animo Tuo, inter communes lacrymas hoc unum ei ad publicum solatium erit,
quod ob eximia decora Tua, quibus Ecclesiam, quibus Patriam illustras
rogatam, & ob amorem Tuum laudatissimum ab omni posteritate æternum
nosceretur. Perennabit ille cum summis laudibus Tuis summa virtute, sa-
pientiâ & auctoritate conspicuus; vivet immortalî vitâ pro quo non mar-
mora aut jaxa, sed cor Tuum loquetur. Parce si alicubi magnitudinî dolo-
ris exprimendæ peperci, consulto id factum, ne in viscera amantis, qualia
Tua sunt cum Tyranno dolore se virem. Inter sacraria pectoris Tui Mon-
tem Visionis colloco, ut in corde Tuo perennet suaviter, in cujus manibus
suprema cordis ejus quiescit voluntas. Suppleant merita Tua, Protector
Faventissime dispendium vitæ, qui tot virtutibus, meritis resurges, quot
Sol radiis, quot igneis lampadibus Cælum.*

M O N S

Visionis Æternæ.

Paradoxum est:

Res dum desinunt, videri;

Soles dum occidunt, oriri.

Inimica hæc sibi sunt

Lux & tenebræ,

Unum aliud tollit.

Tenebriones cum Fulgentiis,

Aquilæ non sociantur cum noctuis;

sepiusq; Maximos in minimos,

Olympos degenerari in athomos,

Oceanum desinere in guttas,

quàm tenebras Regiam Solis tenere

compertum.

Fatorum hæc malignitas est:

ferales dum accendit ignes,

Regnorum Soles & Illustrissimas Serenitates

funesta crudelitatis obscurat nube.

Majestatem

quam per cadaverum struem sublimat,

sub cortinis oblivionis obscuram reddit.

Dies vitæ

virtutum & meritorum radiantes splendore

lugubri obducit squallore;

Illustres; imò pari cum Sole resplendentes jubare

noctem teterrimam subire cogit.

Funesti cineres

Dardanos dum sepeliunt,

& Pelasgam gloriam consepultam tenent;

rarusq; Phoenix!

qui de his sepulchralibus bustis reviviscat.

A

Cæca

Cæca Lachesis, est!

sicut pari atrocitatis impetu ruit in omnes,
magnos minuendo, excelsos humiliando,
attenuando Atlantes,
palmas in cupressos, purpuras in Syrmata,
Aurorum Ceras in fumum convertens:
sic & Serenissimos crassis involvit tenebris,
& Eminentissimos mortalitatis obducit nube,
quia luminibus orbata.

Ferox Libitina!

inter morticina vitam immortalem quærere non permittit,
adunca falce,
& florem vitæ succidit, & aciem oculorum heberat.
Inter pharmaca Orbis absynthia condit
& sic

vermis est ad hederam,

tinea ad purpuras,

securis ad arborem vitæ posita.

Hæc vesana Prædatrix

Cedris in Libano, ne perennent:

quercubus in Dodona, ne æternum durent:

laureis in Parnasso, ne fulmina expavescant:

non parcit;

Sylvestres Parcæ dantur & arboribus,

quid dicendum?

quomodo in nos sævit mortales,

quorum ipsum mortale nomen.

Coronata Capita verriginem pati,

Paludatos Soles fatalem subire occasum,

quis non videt?

singula mortem prospiciunt,

magna pars ejus jam præterit,

& quidquid ætatis retro est, fatum tenet.

Certè

Mors Noverca luminis,

parturit tenebras: ut antipathica quadam virtute
à Majestate umbrarum Filios lucis opprimat;

quanquam sæpiùs

opacum ejus in Summis Viris diaphanum.

Etenim

magna Nomina commune quoddam cum Sole habent,
videri tantum desinunt non lucere;
fetale bustum cunæ sunt natales Phœnicibus,
Sarcophagi in thronos cedunt Victoribus Mundi,
funerei panni viam sternunt,
ne post fata veneranda illorum humi serpat Majestas.
Nescit quippe oriunda Coelis humari virtus,
Illustres animæ in umbra mortis clariores,
æternitati inferuntur, dum tumulo;
maiores in occasu eruditi Soles,
Gigas animus & post fata magnitudinem non amittit,
umbra fatalis
lucem perpetuam accendit pulchrius.

Ecce

Mons Konjusz

quanquam caligine mortis

Perillustis olim Clarissimi & Admodum Reverendi Domini

**D. M. STANISLAI
KUTLINOWSKI,**

U. J. Doctoris & Professoris, Ecclesiarum, Collegiatæ SS. OO.
Cracoviæ Archi-Diaconi, Konjuszensis Præpositi, Contubernii
Philosophorum Provisoris, Judiciorum Consistorii Ge-
neralis Cracoviensis Assessoris,

Pastoris sui vigilantissimi sic circumfusus:
attamen

Mons æternæ visionis est;

quia

STANISLAUS

vixit Divinâ aurâ,

non per subitos fulgores aut halonum inania,
sed per incrementa lucis

ad claritatem vitæ tendebat;

nihilq; mortale gessit in vita

Vir conscientiae lucidae, sapientiae clarae,
virtutis solidae, vitae & gloriae illibatae.
Calamus illi radius, fons luminis pectus nitidissimum fuit,
fecitque terribilissimus cordis ejus & animi candor:

ut rectefactorum splendore
alternas inter umbras lucemque nesciret vices.
Obscura oblivionis nubila, gloriosis illustrabat gestis;
communem mortalium noctem in splendores vertebat.

Sub primam vitae junioris Auroram

bene adultam fortunae diem reperit,

in cuius peramena luce

virtus & honor Doctoralis

hereditariam sibi fixere sedem.

Lux ejus obscurum nunquam habuit,

Cujus ut vespere ita & primam Auroram

coruscum radiantium virtutum illustrabat agmen.

In primo vitae ortu

auspicatam maturae spei horam attulit,

ut ostenderet: quantus ex primo flore fructus conijci,
quanta ex ortu novae faculae serenitas sperari posset.

In tenero vultu grandia formabat indicia,

in prima illaque rasa tabula futurae vitae imaginem

ipsis adumbrabat virtutibus;

deditque lucis praeclarae praesagium:

quali in teneris annis grandaeva illaque; matura pietate,

quali verecundiae morumque purpuris renitebit.

Unde etiam in occasu

nec Eclipsim, nec deliquium patitur,

& quanquam contra mortem immortaliter deliquerit gloria,

vivet tamen tam diu,

quam diu in Coelis fulgebit

pietas & virtus Illius.

Nempe

innocentiae prototypum, virtutum encyclopaedia,

vita Illius fuit,

monstravit saepe exemplum:

posse in adolescente Virum esse, si adolescant & mores.

Hinc

Amphitheatrum omnigenae probitatis ingressus,

glo-

gloriosum egit athletam:

serius namq; ludus virtutis exercitium.

Mentis intaminatæ ebur

& pura sinceritatis CrySTALLUS

Divisparem, hominibûs penè superiorem effecit,

ast virtus & ardor discendi

ad culmen omnigenæ sapientiæ perduxit.

Ergo à signo Academicæ Crucis,

an potiùs

sub signo Sceptrifero laborem & vitam eruditam auspicatus,

STANISLAUS,

quâ prodromâ, de virtute in virtutem tutissimus ibat.

Summa scientiæ ejus claritudo

usq; ad Doctoratûs in Utroq; Jure Zenith pertinxit.

Cleanthis lucernam non jactavit

quamvis Noctes Atticas saperet;

turribus ad fastum ignes Pharios non accendit,

licet spectatissimus ubiq; colluceret

Pœta, Orator, Philosophus,

Doctor Juris.

Quàm fuerit in luce erudita profundus,

cortina modestiæ testis,

cujus dulces oris cultissimi gratias

probitas & innocentia cordis tegebat.

Animus ejus ad seria masculus,

ita se in Olympiis studiorum roboravit,

ut indefesso cursa ad bravium perfectionis permearet.

Cleanteis lampadibûs

Atticas Noctes in dies convertit,

sciens bene:

nutrimentum generosi animi esse laborem.

Virtute & eruditione conspicuus

geminas in Philosophia obtinuit laureas,

& benè:

illis enim tantùm laureatos postes ingredi conceditur,

qui non à limine salutârunt Musas.

B.

Egit

Egit semper quod laureatos decet,
ad utrumq; in Philosophia elevatus gradu
præstantem se exhibuerat Professore,
idq; dexteritate, quæ optimis ingenta est,
alacritate, quæ studiosissimis mentibus convenit,
sedulitate, quâ libris impallescebat,
diligentiâ, quâ scholastico invigilabat labori.

Dulce illi erat

non solum proprios sed & alienos portare æstus
optimè gnarus,

*non ipsi Atlanti Divinos deberi honores,
etiam Hercules inter Astra refertur,
quod vicinum Athlanteo ponderi supposuerit humerum,*

Phœbi more cum aliis luceret
sinceritate docendi & candore Academico,
non sibi sed aliis vixit.

Bombiceam imitatus naturam,
operiebatur dum operabatur bonû,
illius tamen privatus labor
in magnificis Dynastarum Satraparumve supereminebat lacertis,

nempe

SZEMBECHIS, SMIETANCHIS, ORACZEWSCHIS,
qui fontem suum quoties hauserunt, toties coronârunt.

Unde

tantam comitatem vitæ
talemve in educanda juventute Polona sollicitudinem
perpendens animò

Præmiatrix laborum ac meritorum

Alma Mater Vniversitas,

Contubernium Staringelianum,

mature ejus subdidit regimini;

ubi aliquot annorum Senior

florem juventutis sic excoluit:

ut ubiq; optimum bonæ famæ odorem spargeret;

cujus principale regimen erat,

primam sapientiam timere DEUM revereeri majores,

de aliis optimè, de se humiliter sentire;

feriò

seriò intimare.

Ad magna natum animum ejus vidit

Alma Mater Univesitas,

negotiorum comisit molem:

quam indefessus sustentabat viriliter, gerebat fortiter.

Non sanitati, non vitæ parcebat,

quæquæ adversa imminencia pericula

plusquam centoculus Argus

prævidebat prudentissimè, circumspiciebat solertissimè,

utpotè

Vice-Procurator Unversitatis vigilantissimus.

Plus sibi conservationem Honoris Academici pendebat,

quàm felicitatem & sortem suam;

cujus integritati

totum esse & vivere consecravit.

Et hinc est,

quòd corda omnium in triumphum duxit,

cordium & animorum sæpiùs gloriosus triumphator,

Domui Minori

totius Unversitatis Virorum Seminario

suffragantibûs meritîs dum cooptatur,

eandem semper affectûs magnitudinem detinuit,

inter Minores Collegas

pietate sublimis, virtute conspicuus.

Collegii Minoris Professionem nactus,

majoribus laboribus factus intensior:

maxima utiq; minimis juvantur,

ex atomis montes tumescunt,

ex indivisibilibus quantitas crescit,

minimi radii & maximam Solis adaugent lucem.

Officia quæq; peragebat laudabiliter,

concreditam spatham ornabat gloriôsè,

omnem laborem transcurrerebat honorificè.

Stabit immortalis laus

S T A N I S L A I,

sed itabit eò perenniùs,

B₂

quò

quò diutiùs Jagellonicus florebit Manipulus:
quem,

Contubernii Regio-Jagelloniani Seniorarum tenens,
exemplò vitæ & eruditionis adeo fecundavit,
ne unquam optimæ spei herbam porrigere
in florem Ecclesiæ, in decus Patriæ,
in ornamentum Almæ Matris desineret.

Quid ultra vis calame ?
ad Phœbum purpuratum accedis,
cave ne coruscantium animi ejus qualitatum splendore perstringaris.
vehemens enim sensibile ledit sensum:

fatîs Tibi,

dum à longe Purpuratum adorabis Principem,
scilicet:

Decanum Facultatis Philosophicæ.
Purpuram hanc

sicut alacri excepit humerò, sic fortiore gessit,
sub tanto munere & onere
indefessus Athleta,

docta reassumebat certamina,
qui semper fuit animò victor.

Arena Philosophica pretiosa illi erat saburra,
cui non nisi ex studioso sudore coalescebat Hydaspes,
& inter severiores, quas sedulitas fronti inaravit rugas,
aurea excrescebat messis.

Erudito sine cruore certamini
utrâq; ut olim Apollo ad Amyclæas pugnas porrexit dexterâ,
dum toties Victor, quoties animorum Triumphator.

Idem ei in certando erat conatus:
qui Stentoris cum Mercurio, aut Arachnes cum Minerva;
in cursu non lassatus, in statione non fatigatus,
in erudito navigio fortunatissimus.

Purpura Decanalîs

Auspex ei ulteriorum erat honorum,
qui pulchrioribus de illo contendebant dissidiis,
quàm de Poëtarum Principe Homero
Græci & Athenienses certabant.

Exc-

Exedrae ambiebant Tulliū,
Cathedrae Divinum volebant Platonem,
Areopagus Consum sibi poscebat,
& evasit victrix gladio armata Themis,
dum illum, qui multos erudiebat ad justitiam,
justitiae Augustat inhabitare fecit;
alias Collegio Iuridico emeritus admotus Professor,
ubi non aliam Professionis regulam nactus:
nisi abdita rerum arcana recludere,
quæq; difficillima facilitare, insolubilia resolvere dogmata,
solus integerrimus Canonicae veritatis Observator.

Phæbo devotum Caput

Encyclopaediam eruditionis non ostentationi sed utilitati publicæ impendit.

Lauream Juridicam

quam de condigno meruerat, assiduo irrigabat sudore,
& ideo florentiorem reddidit.

Actorum Rectoralium toties assumptus Notarius,

Revoca quæ scripsisti calame!

STANISLAUS

corda omnium in triumphum duxit:

quem ultima vitæ suæ die non poterat oblivisci

Perilluistris olim & Reverendissimus Dominus.

D. M. ANDREAS

KRUPECKI,

V. I. Doctor & Professor, Ecclesiarum, Cathedralis

Cracovien: Canonicus, Premykovieſis Præpositus,

Senior Pater & Pro-Cancellarius Universitatis,

& ejus quotidianam in se promptitudinem experiebat,

etiam ultimam voluntatis suæ executionē moriendo, ei reliquit.

Quid dicendum

de magna ejus eruditione & virtute?

quæ semper ad magna tendebat,

summum caput, summum nunquam deseruit,

magnificentius semper in altum eluctando.

Et bene:

non amant nisi grandibus exerceri ingentes anime,

Alexander Reges amulos posciti

STANISLAUS

Majoris Poloniæ ingressus Hemisphærium,
ut magnis virtutibus ejus par corresponderet Clima.

Scilicet ab Alma Vniuersitate destinatus
Coloniæ Posnaniensis Dignissimus DIRECTOR,
officium sat arduum & onustum
intrepidâ animi suscepit constantiâ,
meminens Almæ Matris commodo
vitam totam, nedum vires debere.

Signatum aggreditur iter,
sciens benè:

*Mentes Cælo natas uno lare claudî nescire,
sed Solis instar se in Orbem circumagi.*

Quantum ab illo laboratum est:

ut Lubransciana Pinus in suo conservaretur vigore,
& benedixit ei DEVS Cruce geminata

STANISLAUS

quod in illas excreverit frondes:

quæ Palladi in hastas, Mercurio in Caduceos, Regibus in sceptrâ sufficiunt.

Videre erat suauem illius in dirigendo potestatem,
sollicitum Professoralis laboris amorem, & quanquam sæpè sæpius
congestæ curarum multitudines,

adversiq; fortunæ casus mentem molestabant ejus,
manum tamen de tabula in reficiendis laborantium viribus non subtraxit.
Premebat eum aduersa valetudo, ille omnium curabat salutem,
quamvis viribûs lassus, in promovendo loci cōmodo non concidebat animô,

& veluti robustus Atlas

vergenti ad ruinam Coloniæ bajulos supposuit lacertos;
pro Iuribus Academiæ ad Tribunal Regni Petricoviense obstabat fortiter,

ut olim Solon pro Athenis.

Plures ejus sub Climate illo gestas virtutes
recensebit posteritas,

quomodò cunctorum arreâs vocibûs
PRZEBENDOVIVM & SZOLDRSCIUM

Praefecturam Majoris Poloniæ ingredientis Generales
applaudenti salutavit animô,

quomodò

JOANNES TARLO
Episcopus Posnaniensis,

gratiosum se illi exhibuit;
FRANCISCUS KAZNOVIUS

Episcopus Domitiopolitanus,
Suffraganeus & Officialis Generalis Posnaniensis,
probatissimam ejus in omnibus prudentiam plurimi aestimabat.

At

dulcius ex ipso fonte bibuntur aquæ,
unde reducent ad fontem limpidissimum
ex quo doctas hauriebat lymphas,
comite sequamur passu

STANISLAUM.

Totum se negotiis impendit redux,
Juris Canonici & Civilis intumabat regulas,
ipse Canon & Regula virtutum.

Vitæ exemplis sublimem Theoriam, Jurium felici praxi adjunxit,
ut Processum, Canones, Casus Conscientiæ Scylum in numerato habuerit,

Affertor virtutis zelosissimus,
Utriusq; Juris laboriosissimus Professor
in dies sibi geminabat gloriam.

Ergo Patrum annuente consensu
quem magni in Orbe literario probarunt labores,

Lauream in Jure Doctoralem sumpsit,
etenim dignus erat: ut etiam sine instantia tantum occuparet honorem,
pro quo ipsa perorabant merita:

nam illis tantum precario venit honor,
quibus nullum à virtute suffragium.

Plaudebat sibi Doctoralis honor,
quod tantum nactus fuerit Virum
à cuius mentis balance totum Astræ pendebat æquilibrium.

Optimus Doctor Juris,
cujus Judicium vitia quævis vitabant;

Affessor Iudiciorum Consistorii Generalis Cracoviensis Prudentissimus,
præter rectefactorum & virtutum alii non adstipulabatur causæ,

ejus mansuetudo, Comitas, vita exemplaris, prudentia,
quodam magnetismo omnium corda ad se trahebat:

qui in Majores reverentiâ, in pares affectu, in omnes affabilitate certavit.

Quæ recenset ætas? quanto erga Te ferebatur affectu,

Gentis Togatæ Gloria & Majestas prima
Magnifice Perillustri & Reverendissime Domine.

**M. JOANNES
LUKINI,**

V.I. DOCTOR & PROFESSOR, Collegii Iuridici totiusq; Univer-
sitatis SENIOR PATER, Ecclesiarum, Cathedralis Cracoviensis CA-
NONICE, Collegiatarum, Visliciensis PRIMICERIE, Sanctorum
Omnium CANCELLARIE, Sławkowiensis PRÆPOSITE, Con-
tubernii Regio-Iagelloniani PROVISOR, Studii Generalis Uni-
versitatis Cracoviensis Vigilantissime RECTOR,

Promotor ejus dignissime,

Ille Cor tuum, tu ei Gratia eras.

Tu eum lauræ in lure Doctorali, ille te adoræ coronabat votorum.

Affectus vester

vitz illi immortalis indicium, Tibi perennantis gloriæ symbolū erat:

& sicut in vita quæq; prosperissima exoptabat,

ita & nunc exorabit in Cœlis,

ut Charites, annos quos ei fata negarunt,

Tibi JOANNI addant,

Trinæ Coronæ ad decus, Orbi literario ad Columnen,

Loquetur id sera posteritas,

quali integerrimò certabat animò, & tecum

Perillustri, Clarissime & Admodum Reverende Domine.

**D.M. ADALBERTE
MICINSKI,**

Variusq; Iuris DOCTOR & PROFESSOR, Ecclesiarum, Colle-
giatæ Sanctorum Omnium Cracoviæ CVSTOS, Paro-
chialis in Luborzyca PRÆPOSITE.

Vna vobis mens, unus animus erat,

nullaq; dies sinè linea fuit:

quâ mutuum in vos non protenderetis affectum.

Inviderent gratiæ, si viderent: quâta erga vos ferebamini teneritudine cordis,

alter alterius implebat vices,

quia

quia gradu tantum non animo distincti vixistis,
Ejus negotia semper erant ad mentem tuam
hinc & ultimam voluntatem sui, altissimo Tui subiecit sensui,
voluitq; inclinatos ad vota tua haberi Caelos, optans ex animo:
ut in Te ad solatium Gentis Togatae, ad dulce praesidium nostrum
Caelstia charismata influant copiosissime.

Quid de Vobis dicam?

quos & vitæ, & doloris. Concollegas habet;
cessabit penna, subsistet Stylus,
affectus ejus erga vos tota æternitate perennabit.
Ex umbra mensuratur Gigas ex radiis cognoscitur Phæbus,
ex magnitudine affectus, quantitatem virtutum ejus inferamus.

Pietas ejus in DEUM

solida, exemplaris, teneritudini conscientiae innixa,
circa res Divinas zelosa, in Sacros usus eviscerata,
totus in Rosis Mariæ, totus in Purpura commorabatur Crucis.

Vnde cor ejus nihil magis pungebat,
quàm neglectus Sacrorum,

quàm frigida & remissa circa animarum salutem oscitatio.

Ore verax, animo verecundus, manu liberalis,
in quasvis Divorum Aedes munificentissimus fuit,

Ecclesiam D. M. MAGDALENÆ Cracoviæ
restauravit solidissime, adornavit elegantissime cōtexit cōmodissime.

Verè animus ejus ipse suæ immortalitatis Architectus,
cui Altaria Sanctorum in hac Ecclesia fundata,
altiores gloriæ erigunt colles,

Bona corporis ejus bona non ejus erant,

totum se ad negotia Ecclesiæ Koniuszensis consecravit,
curam impendit, laborem adhibuit, ut ad pristinum rediret statum;

& effecit:

jura vindicavit, suppellectilem Sacra comparavit,
ædificia nova construxit,

novus ædificii gloriæ suæ Amphion,

non Thebas solam, verum coram omnium in plausum & amorem traxit.

Bona fortune ejus bona publica erant,

nemini non patentes exponere aures, nemini non succurrebat.

Testatur largas STANISLAI impensas

elegantissimum CC. DD. Iureconsultorū Lectoriū

ad quod exornandum & sollicito labore, & Ære suo accessit

D

omnes

omnes munificentiam ejus concelebrant,
qui etiam in Ecclesiam Collegiatam SS. OO. profusissimus fuit;
quam variis illisve, pro quibus Indus & Arabs sudavit,
pretiosis distinxit apparatibus.

Quid memorem?

quantum pro honore DEI, pro gloria Ecclesiae fecit, sudavit, & alit
sufficit illi ad gloriam,

quod factis non annis vixit.

Vixit sibi ad gloriam satis,

licet Vniversitatis, Amicorum, & Clientum non satis desiderijs,
utinam officio vitae suae diutius functus fuisset,

meritissimus Vniversitatis Pater,

Literatorum Mecenas, Clientum Protector, indigentium Benefactor.

Cecidit qui plurimos erexit ad gloriam,

corruit, qui multos sublevavit ab inopia,

obit, qui multis profuit ad vitam.

Flos Virorum

adunca Libitinæ succisus falce,

qui omnes virtutum & meritorum replebat odore,

& adhuc tempore verno,

qui se ad communes omnium explicabat usus.

Ultimis Martii

ut illi post certamen vitae in concordia & pace, Corona reponeretur Coelestis.

Post Dominicam Palmarum.

qui semper in labore Academico vegetissimus palmam gloriae retinuit immortalis.

Dolendum! qui pauperes alebat, subveniebat egenis,

ante Coenam Domini in Domum Aeternitatis abiit.

& dum Sacerdos secundum ordinem Melchisedech

cruentum immolaturus erat Sacrificium, moritur.

STANISLAUS.

Errarunt fata!

à communi factorum falcidia lege exemptus.

Doctor Juris;

ad immortalem Siderum Patriam de mortali cinere

felicior ex Monte Konjusza evolavit Phœnix,

verè re & nomine STANISLAUS Divo Indigeti suo compar

Ille in Monte Rupella,

hic in Monte Konjusza excessere è vivis.

Caput ejus Coelesti cogitatione plenum erat,

unde totus secessit in montem,

ut acceptabile DEO faceret tabernaculum,
& Pastor bonus pro grege suo oraret ferventiùs:
Ingeniorum adamas erat,
decurit, ut adunca fatorum de Monte Koniusza erutus falce,
æternitatis infereretur annulo.

Mons hic, verè electionis locus,
in quo elegit DEVS ad Cœlestem Coronam

S T A N I S L A U M,

ut qui plurimos erudiebat ad justiciam
in perpetuas fulgeret æternitates.

Verus Viator fuit,

ad Patriam Visionis ut citius perveniret,

Montem Koniusza ascendit,

& sic Montem hunc primò habitatione, dein morte illustravit sua,
detraçtaq; mortalitatis suæ nube publico exposuit Orbi,

se propiùs, ad Regionem immortalis gloriæ

& Montem Visionis Æternæ accessisse.

Montem hunc, Montem Calvariæ, ni Visionis foret, dicerem:

ubi Pastor vigilantissimus gregis sui vitam posuit.

Revertere tandem de Monte

& jam illacrymare Calame!

Almam Matrem Filius, Universitatem Pater Emeritissimus,

Pastor gregem vigilantissimus, Patronus Clientes fidelissimus,

Protektor pauperes amantissimus,

quos paulò ante verbò, exemplò, opibus & ope,

ornat, defenderat, foverat, aluerat æternùm deseruit;

& quem omnes devotis comitantur precibùs;

hunc tu quoq;

in Montem Visionis Æternæ sequere,

& felicem de Collegio mortalium ad Consortium Sanctorum

circa Phase Domini transitum

apprecare.



L E S S U S

super dolendis facis

Perillustris olim Clarissimi & Admodum Reverendi
Domini M. STANISLAI KUTLINO-
WSKI U. J. Doctoris & Professoris &c.

Mons Konjulsensis Visionis est Culmen
Vitæ perennis atq; lucis æternæ:
Vbi stolam immortalitatis indutus,
Mortalitatis exuit lacernam. Vir
Vtroq; lure Doctor inclytus, cū vix
Parem futura sæcla proferent mūdo.
Replevit Orbem Litterarium factis,
Expressit in se Sanctitatis Ideam;
Fuitq; liberalitatis Exemplar;
Effusus. Aedes in sacras ferè totus,
In eruditæ Pallados decus largus,
Musas Paternas dote propria iuvit,
Iuris Lyceum plurimum decoravit.
Hunc fata mortis nube lugubri cinctum
Obnubilare moliuntur in Monte
Inefficaciter: potentior namq;
Virtutis inclytæ nitor velut Solis,
Et illibatus conscientiæ candor
Adinstar albicans nivis STANISLAVM
Clarere fecerat terram repellendo
Caliginem. Insuper mori vetat Musa
Vnquam Virum eruditione præclarum,
Suo recedit quando Colle, Koniuszæ
Iugum petendo, concitatori vix
Gressu subintrat, autumat sibi semper
Bonum morari Visionis in Monte
In quo KUTLINOWSKI STANISLAO, dignum
Famæ perennantis facit tabernâclum.
Cui maligna fata denegant vitam,
Hic singulorum cordibûs prout vixit,
Superstes extet, atq; vivat æternum.

ti
e,
M
o-
m
o
es
er
ne
a-
ut

10
c.

y-
ti-
c-

卷之六

○

22.000,-

3.XII.13



Bibliotheca
P.P. Camaldulensium in Bielany

Depozyt w Bibliotece Jagiellońskiej



02350

